


1639_056.jpg



1639_057.jpg

Histoire de nostre Temps. 57

qui prist vne part plus singuliere & plus grande qu'elle, en la joye & en l'allegresse que cette benediction devoit apporter à toute l'Europe.

Cette audience achevée avec des marques d'une extraordinaire satisfaction, le Baron de Rorté fut mené selon la coustume vers les Regens & Tuteurs de la Reyne, lesquels estoient assemblez avec les Senateurs du Royaume. Le discours qu'il leur fit ayant esté presque pareil à celuy qu'il avoit fait à la Reyne, la response que le Chancelier Oxenstern luy fit au nom de toute l'assemblée, ne s'éloigna pas aussi beaucoup de celle que la Reyne luy avoit fait faire, & cōme la joye avoit paru visiblement dans la premiere audience, elle sembla encor esclater davantage en cette seconde: car ce venerable Senat tesmoigna son allegresse si ouvertement que le Baron de Rorté y remarqua mieux que jamais leur affection pour la France.

Ces deux audiences ayans employé tout le jour, le Baron recommença le lendemain à la demander à la Reyne Mere de Suede, laquelle estant incommodée ne la luy avoit pû donner en suite de celle de la Reyne sa fille. Ce qui luy ayant esté accordé, il ne s'en acquita pas moins adroitement que des autres, & remporta d'elle, les mesmes tesmoignages de contentement qu'il avoit eu de la Reyne sa fille, & de ses Regens. La coustume

1639_058.jpg



1639_059.jpg

Histoire de nostre Temps. 59

dant que l'un de ces Conseillers faisoit ces seconds presens, l'autre asseuroit le Baron que la Reyne le vouloit recevoir avec tous les honneurs possibles, & tous autres que l'on ne rend à vn Resident. En effet estant conduit depuis son logis iusques au Chasteau avec vn grand cortege de carrosses, il fut receu au bas de l'escalier par le Grand Mareschal de la Couronne, nommé Axel Bannier, frere puîné de celui qui commandoit les armes de Suede en Allemagne, & de là mené entre les Gardes du Corps qui estoient en haye de part & d'autre iusques à vne Salle, où les Reynes Mere & Fille estoient avec les Regens, les principaux Officiers, & les Dames les plus qualifiées de la Cour.

Quelques complimens nouveaux faits par les Reynes au sieur de Rorté, & par le-dit Baron à leurs Majestez, tousiours sur l'heureuse naissance de ce Dauphin, ayans fait escouler insensiblement vne demie heure, le Grand Mareschal fit sçavoir que la viande estoit sur la table, surquoy les Reynes passans à la Salle preparée pour ce Festin, on eut pour le premier mets la Musique, laquelle estant composée d'une infinité d'instrumens & de belles voix, fut extrêmement agreable. Le concert n'empeschant pas que l'on ne prit place, les Reynes se mirent au bout de la table, la Mere à la droite, la Fille à la gau-


1639_060.jpg



60 M. DC. XXXIX.
 che, le sieur de Rorté fut assis à la main droi-
 te desdites Reynes, apres luy le Viceroy Ge-
 neral, le Chancelier, & quatre des principaux
 Senateurs du Royaume, sçavoir l'Admiral
 Flemming, Mathez Zopé, le Marechal de
 Camp Wrangel, & le Baron Jean Pontus de
 la Garde. De l'autre costé à la gauche des
 Reynes furent placées la Princesse Palatine
 Mere, vn de ses fils, trois de ses filles, joi-
 gnant elles la femme du Marechal de Camp
 Wrangel, & sœur du Comte Henry Casimir
 de Nassau, & apres elle la femme du susdit
 Pontus de la Garde. Deux autres grandes
 tables qui estoient dans la mesme Salle, ayans
 esté incontinent remplies, l'vne des princi-
 paux Conseillers, Colonels, & Officiers de
 l'Estat, avec le sieur de la Vallée & le Secre-
 taire du Resident, l'autre des principales
 Dames de la Cour, on commença à faire
 grande chere. Le premier service fut assai-
 sonné de la Musique, laquelle avoit tou-
 jours continué : mais on se réveilla tout
 incontinent que le second fut mis sur ta-
 ble.

Les Reynes voulans tesmoigner qu'elles
 prenoient plus de part au sujet de la joye
 que tout le reste de la Compagnie, firent ap-
 porter chacune vn verre, & toutes deux à
 la fois s'adressans au Baron de Rorté le con-
 vierent de boire comme elles beuvoient à la
 santé du Dauphin de France : Les remerci-

1639_061.jpg



X.

main drol
iceroy Ge-
principaux
l'Admiral
eschal de
Pontus de
auche des
Palatine
illes, joi-
de Camp
Casimir
du susdit
grandes
lle, ayans
s princi-
ficiers de
le Secre-
ncipales
a à faire
fut assai-
oit tou-
illa tout
s, sur ta-

qu'elles
la joye
rent ap-
s deux à
éle con-
oient à la
remerci-

Histoire de nostre Temps. 61

mens dudit sieur Baron ayans fait voir qu'il se sentoient extrêmement obligé de cette action, les Reynes commencerent à boire, auquel moment vn tonnerre de 30. coups de canon se faisant oïir, tesmoigna que tout estoit bien concerté pour marquer vne réjouissance publique: ce qui confirma cette verité fut, quand on ouit vn pareil tintamarre lors que le Baron eust le verre au poing pour faire raison à ces deux Reynes, & que ce mesme bruit continua pendant que les Princesses Palatines, les Regens & les Senateurs acheverent cette premiere ceremo-

nie. Celle-là beuë l'on en mit vne autre sur le tapis avec la mesme magnificence, ce fut celle de leurs Majestez Tres-Chrestiennes, laquelle estant suivie de celle des Reynes de Suede Mere & Fille, qui fut commencée par le sieur de Rorté avec vn ordre tout pareil, se continua par les Regens, & apres vn petit intervalle, les Regens la renouvelerent pour souhaiter toutes sortes de prosperitez à l'alliance des deux Couronnes, & ce fut là que le canon fit plus de bruit qu'auparavant, & où il sembla que toute la Compagnie eut fait dessein de s'arrester: mais on continua par la santé des principaux Ministres de France, où le nom du Cardinal de Richelieu fut particulierement exprimé, par celle des Princesses Palatines qui estoient pre-

1639_062.jpg



1639_063.jpg

Histoire de nostre Temps. 67

vers: mais le Bal qui se fit en suite estant assez beau pour donner la curiosité de le voir, ie ne priveray pas le Lecteur du plaisir que i'ay trouvé dans le recit d'une ceremonie qui s'y pratiqua, laquelle est pourtant ordinaire en ce pays-là. La ieune Reyne ne voulant rien oublier de ce qui pouvoit marquer son affection pour la France, le fit commencer presq't au mesme temps que la nuit, & luy voulant donner toute la beauré qu'il pouvoit avoir, fit inviter le sieur de Rorté d'aller dancer avec elle. Ce Baron s'en estant approché avec tout le respect qu'il pouvoit deferer à sa Majesté, vit marcher devant luy & devant la Reyne, deux des principaux de la Cour avec des flambeaux à la main, qui marquoient toutes les cadences, & deux autres Seigneurs à leur suite en pareil estat que les deux premiers: Les deux qui les precedoient estoient vn des ieunes Princes Palatins & le Viceroy, ceux qui suivoient, le General de la Garde, & le Chancelier Oxenstern. Cette dance estant faite avec beaucoup de grace & de majesté, on se retira pour faire place à tous les autres, lesquels ayans employé quatre ou cinq heures en cet exercice, ramenerent le sieur de Rorté à son logis avec grande ceremonie.

La Suede avoit triomphé iusques là, il falloit que la France le fit à son tour: Le Baron fit des merveilles pour vn Resident, il traita

1639_064.jpg



1639_065.jpg




Image issue du site mercurefrancois.ehess.fr - Cliché (c) Cécile Soudan